

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ — ۹

۱۶ محرم ۱۳۳۱ پنجشنبه ۱۳ کانون اول ۱۳۲۸

عدد ۴۲ — ۲۲۴

تراجم احوال

برفلاکت مشترکه

احتمالکه شو عنوانی کوروب حقیقتدن بی بهره اولانلر استغراب ایدرلر . لکن ارباب نصفت و اذعان بلا تردد تسلیم ایدرلرکه ۲۶ ذی الحجه سنه ۳۳۰ تاریخنه تصادف ایدن جمعه کوننده عازم باغ جنان اولان اکابر فضالادن ودهات علمای مسلمیندن عصر مزک علامه یکانه سی فاضل شهر محقق بی نظیر استاذ الاساتذہ مولانا (مناسرتلی الحاج اسماعیل حق) افندی حضرت تلیسک افول ابدیسی یالکیز عائله محترمه کدر دیده سنه خاص برفلاکت اولیوب بلکه بتون عالم اسلام ایچون برفلاکت مشترکه در . چونکه استاذ مرحوم علوم عقلیه و نقلیه بی خارقہ بر صورتده جامع و مواهب الهیه و سجاای انسانیہ دائر و متعلق بولنان علوم و معارفه کما یبغی آشنا برفاضل دریادل اولوب اعظم بلاد اسلام و محیط رجال علمای اعلام اولان بلدہ استانبولده مروجہ تفرد ایتیش بر ذات فضائل سمات ایدی . نطق عالیرنده کی بلیغانه نظام و تقریر و تحریرلرینک اداسنده کی انسجام یک مکمل اولدینی کی شیرین و همدہ متین ایدی . مطلوب و مدعاسنی اثبات ایچون سوق ایتدیکی بر اهینی لزومی قدر ایضاح ایدر و صدودن خارجه چیقمازدی . تعصب و حق ناشناسلقدن بغایت محانب ایدی .

محالس علمیه و مواعظ دینیه لرینه مداوم اولانلر اخلاق ردیشه دن تخلی و فیوضات فضل و معارف ایله تحلی ایدرلر ایدی . بالتصادف اوغرایان ارباب تقدیر دخی غیر اختیاری اولارق درحال قعود ایله حاله کوره مستفید و مستفیض اولدینی کی قلبنده دخی او محترم سپای نوره غیر قابل تعریف برانجذاب و محبتله قالفار ایدی . (بوعبد عاجز دخی او مجلس فیض لامعه عنفوان شبامدنبو دوامله بی نهایت استفاده و مسلك جلیل علمیه یه سلوک شرفه نائل اولوب اومفسر زمانک فاتح جامع مشرفنده کزیده طلبة علومدن بر جم غفیره کمال تحقیقات و تدقیقات و فنون شتی به تطبیقات و ذاتنه مخصوص مهابت و وقار ایله تدریس بیوردقلری تفسیر بیضاویدن سورة جلیله لقمان و اوائل سورة جلیله نسا درس لرنده بلا فوت حاضر بولوب غوامضی حله دائر تقریرات استاذانه لرینی ضبط و ثبت ایله علم جلیل تفسیرده برمسلك صحیح کوردیکمدن صمیمی برداعیسی اولقله مفتخرم)

مرحوم مشارالیه حضرتلری عمرینی حیاتی دین جلیل اسلامه خدمت و تدریس علوم شریعتہ حصر ایدوب مدافع دین مبین احمدی اولدینی آثار و مقالاتیسه ثابتدر . باخصوص کزیده نفائس اطلاقته بحق شایان برکوه صفا آور صدور اهل ایمان اولدینی وارسته عرض وافهام اولان مرحومک رساله جلیله حمیدیه ترجمه سی بوبابده بر برهان باهردر .

صیت فضل و کمالی دنیایی طوتمش اولوب محض اثر حسد اولارق حقدنه ایدیلان قال و قیل ، شرف و شهرتنه نقصیه ایرانی شوبله طورسون ، جهت اخری ملاحظه سیله اربابی عنندنه مزیت و علویتنی تزئید ایلر . قال ابوالاسود الدؤلی :

حسدوا الفتی اذلم بنالوا سبیه - فالقوم اعداء له وخصوم
حسد علماء بیننده دها زیاده کورنمکده در . بناءً علیه مذهب مالکیده آنلرک یکدیگرلری علیهنده شهادتلی قبول اولنماز .
عبداء بن عباس رضی عنهما رب الناس حضرتلرینک کلماتدر :
علمائک سوزلرینی دیکلیکیز ، آنجق بربرلری علیهنده وقوعبولان کلاملرینه حواله سمع و اعتبار ایتیکیز ، چونکه آنلرده کی تحاسد و تباعض هرکسدن زیاده در .

خلاصه استاذ مرحومک شان عالیرینه لایق بر صورتده مدح و ستایشلرنده خامه ران مقال اولق خدمدن خارج اولدینقی کمال جدیتله اعتراف ایدر و (سقی الله مرقدہ شایب الرضوان - واسکنه اعلى فرادیس الجنان) دعاسیه ختم کلام ایلرم .

فاتح درس علملرندن و فتواخانه عالی مسودلرندن

شهره مصطفی صفوت

مَقَاتِلَاتُ

مخارجه :

بر محقق ایله مقلد آره سننده

۳

قیامتک یقین اولاسی اعتقادینک تأثیری — عربلرک اجدحسابی بشقه لرندن آلله لری — بوحسابک استعمالنده مضبوط اولان ط یق — أئمة ارسه نک تاریخی — بونک قرآنده بولندینقی انکار — سنی ایله شیعینک مناظره سی — کچن محاوره ده کی حدیث یهود حقدنه مباحنه و اونک عدم صحی — اوائل سورده کی حسابی متکلمینک انکاری — سریانی و ملائکه لقی — حساب اجدک محنتده اتفاق — قیامت و اوندن مقدم ظهور ایده جک علاماتی اولیانک کشفی — آخرتک جغرافیا و خریطه سی — قیامت و شرائطی حقدنه احادیث — دنیانک عمری — عمر دنیا حقدنه کی احادیث موضوعه و منکره و بونی وضع ایدنلرک مقصدی — بو خصوصده برقاچ سوز .

اختیار واعظ ایله کنج محقق محاوره یه عودت ایتدیلر ؛ بودفعه هرایکسی ده دلیل صحیح بولندقجه یکدیگرینک سوزینی قبول ایتیه . جککرنده متفق بولنیورلردی . بحث ینه ، قیامتک یقین اولسی ، و بونی اثبات ایتک ایچون سرد و اتیان ایدیلن ادله نک طریقلری مسئله سننده ایدی .

چونکه قیامتک یقین اولدینقه ، اوندن اولده بهمه حال «دین» ک دوچار ضعف اولاجقنه ، مسلمانلرک پارچه پارچه اوله رق هر بری برطرفده محو اولوب کیده جککرنده دائر هر عصرده وجودی اکسک اولمیان جاهل و اعظلمک قویاردقلری فریادلر ، بودالاجه صدالر طولایسیله

ذاتاً علم کلام علماسی ده قرآنده انسانلرک ا کلامدینی رموز ومعما نوعدن برکلامک موجودیتنی انکار ، وبونی نقلی ، عقلی دلیللر ایله استدلال ایدیورلر .

بناءً علیه برطاقم قصه کویانک ، تحریف حقایقه چالیشان دجاللرک سوزلرینه قارشى « دین » ی محافظه ، عقائد اسلامیه یی حمایه ایدن علم کلام علماسنک کلام حکمت آمیزلرینی ترک ایتک مقلد ایچون نصل صحیح اوله بیلیر ؟

سکا ایچ - حسابیه ویریلن حکم حقنده بمض ادبامیاننده جریان ایدن برلطیفه یی ذکر ایدم حکم : (حمد) نامنده برشیعی بغداد اداسندن برسیله بر مسئله حقنده منظرده بولنور ؛ (حمد) کندی دعواسنی - سنک یوقاریده قیامتک زمان وقوعنی « لاتأیکم الابقتة » نظم جلیلی ایله استدلال ایتدیکنک کبی - حساب ایچد ، واورایه موافق اولان بعض کلمات قرآنیله احتجاجه قالدیشیر . شیعی یه قارشى ادیب دیرک : - بوکبی استدلالی قبول ایدیورمیسک ؛ شیعی : - اوت . ادیب : - اوله ایسه سن (کلب) سک ؛ چونکه ایچد حسابیه (حمد) ک حروفی ۵۲ اولدینی کبی (کلب) ک ده بویه در . شیعی : - اسم محجم (احمد) در . ادیب : - اوبلا ایسه سن (اکلب) سن . بونک اوزرینه شیعی صوک درجه محجوب اوله رق مناظره یی براقیر .

یکن مجلسده یهودی حقنده روایت اولندیقی ذکر ایتدیکنک حدیثه کنجه : بو صحیح دکلدر ؛ بونی ، نقل ایتدیکنک شیلرک حقیقتی تحری اتمین مفسرلر (ابن اسحق) ک سیری کبی غیر مقبول اولان سیر ومغازی کتابلرندن آلمشلردر . بوکبی کتابلرده کی شیلرک اکثریسی معتد اولندیقی سکا ییلدرمشدم . بو بایده احیاء العلوم شرحنده بر فقره کوردم که خلاصه سی شودر :

« سهیلی دیورک : مکرری حذف ایله اوائل سورده کی عدد حروف شوامتک مدت بقاسنه اشارت ولسه کرکدر . حانظ ابن حجر دیورک : بو ، باطلدر ؛ شایان اعتماد دکلدر . چونکه ابن عباس (رض) صورت قطعه ده ایچد حسابندن نهی ، بو حسابک برنوع سحر اولدیقی اشارت ایتشددر ، که پکده بعید دکلدر . زیرا شریعتده بونک اصلی و اساسی بوقدر . »

هابدی تسام ایدم که یهودی حقنده مروی اولان حدیث روایة صحیحدر . فقط بوصورده یوقاریده بنم مختصراً ذکر ایتدیکنم و فقط امام رازی کبی بعض متکلمین ومفسرینت تفصیلاتی وجه ایله بونی درایه تدقیق ایدم رز ، بناءً علیه ینه سنک ذکر ایتمش اولدیغک معنایه دلالت ایتز ؛ چونکه حضرت پیغمبر (صلی الله علیه و سلم) ک اخطب ک اوغللری اولان (یاسر) ایله (حی) و وردیکی جوابدن مقصد عالیهی اونلرک آکلادیقی دلالتی ابطال ، شبهلرینی ازاله ایتک اوله سی ده جائزدر . زیرا بیایورایدی که اونلرک مقصدلری ستر حقیقت ایله غلط وشبهده برقفدی . حتی ویریلن جواب اوزرینه مقصد تلخیصکارانه لرینی تصریح مجبور اولدقلرندن (حی) « قد لبس علینا أمرک یا محمد » دیمشدی .

بو مسئله مسلمانلری پک فنا بر صورتده متضرر ایدیور ، اذنلری سعی وعملدن آلیقویوب هر درلو ذلت ومسکنته ، اک بسیط ، پک فنا بر معیشت حیاتییه راضی اولمقده بردوام قیلوردی . بناءً علیه محاوره یه شو صورتله مباشرت اولندی :

محقق : - بنده تصدیق ایدیورم که جل حسابیه ذیلن شی قدیمدر ؛ هم عربلره بو حساب ، سریانیلره ، عبرانیلردن انتقال ایتشددر . لکن بو حسابک بعض امورده دلالتی نه عقلی در ، نه طبیعی در ؛ انجق مواضعه واصطلاح طریقله در .

کرک عربلر ، کرک بشقه لری ایچون هر هانکی برکله یی آلوب اونک عدد حروفنی حساب ، واونکله بر ملتک موجودیت واستقلال . لک دوام وبقاسنی تحدید ایله حکم ایتکی تصحیح ایدم جک متفق علیه بر اصطلاح بوقدر . حتی دیه لمیرم که : لغتده کشف استقباله دلالت ایدم جک کرک حسابی ، کرک غیر حسابی رموز بیله بوقدر . نهایت بوخصوصده ممکن اولان برشی وارسه اوده بوکا دأثر موضوع ومصطلح اولان بر اصول ایله بو حسابدن استعاده اتمکدر که بو اصطلاح موضوعی بیلنلردن بشقه هیچ برکیمسه ، اونی اکلایه ماز .

مثلاً : (ارخ) ماده سندن مرکب اولان الفاظ مخصوصه دن صکره بولماسیله تعین ایدن برکله دن یاخود کلامی ذکر ایدرک جمل حسابیه واسطه سیله عدد حروفندن حاصل اولان یکنون ایله توقیتی ، بیلنمه سی ایسته نیلن شینک وجوده کندیکی سنه یی بیان ایتک کبی . بونکده اوله برعباره ایله ذکر ایدلمسی لازمدر که : اوعباره هر کیمه سویلنیرسه اوندن مقصود اولان معانی اکلاشیلسون . اثمه اربعه (رحمهم الله) حضراتنک تاریخ تولدلری ، وفاتلری ، مدت حیاتلرینی بیان ضمننده بعض کیمسه لرک سویلش اولدینی ابیات آتییه ده بوقیلانددر : تاریخ نعمان یکن سیف سطا .

۷۹ ۱۷۹ ۹۰

۷۰ ۱۵۰ ۸۰

واحد بسبق امر جمع

والشافعی سین بیر ند .

۷۷ ۲۴۱ ۱۶۴

۵۴ ۲۰۴ ۱۵۰

میلادهم فوتهم فالعمر

فخذ علی ترتیب نظم الشعر

اگر ابیات سابقه دن مقصدک نه اولدیقی بیلدیرن بیت اخبر اولممش اولسه ییدی اویتلری اوقویان ، ایشیدن کیمسه لر مقصدی تمام اکلایه مازلردی ؛ بناءً علیه بو حسابک دلالتی صحیح اولاماز . صحیح اولمیان برشیعی ارباب عقولک قصد ایتسی ایسه هیچده طوغری دکلدر ؛ چونکه بو ، لغودر ، باطلدر . شو حالده نصل اولورده بوکبی لغویات ، باطل اولان شی کتاب الهییه مضاف قیلنمق صحیح اولور ؟!

بو ، هم علامت نقصدر ، هم ده « طسم » . تلک آیات الکتاب المین ، « حم . والکتاب المین » نظم الهیسی ایله توصیف ایدیلن بیانات قرآنییه منافیدر . اکر طسم ، حم ، کبی اوائل سور قرآنییه بولنان شو حروفلر معما اولسه لردی قرآن کریمک اخص اوصافندن اولان « مین » وصف شریفی ایله وصل اولنوب بتیشملردی . هم نه حاجت!

مقلد: — بن، موجود، شاهد اولان وقایع و شئونك اهمیتی سندن زیاده تقدیر ایدرم، چوق دفعه لر ایشتم که شویله دیوردك: «موجوداته مطابق اولیان، حقیقت وقایع تمثیل ایتیم شیلر یالکیز خیال، نفوسك او هام و وسواسندن بروسه در که بونلری چیقاروب آتمق، اهمیت ویرمه مک واجبد؛ بوکی شیلره مبتلا اولانلرجه بونلر هر تقدیر علم دن معدود ایسه نفس الامرده جهل دن بشقه برشی دکلدرد. انحق بنی معصومك عالم غیب دن اخبار ایتدیکی شیلر عقلا جائز اولوق شرط یله موقع مباحثه چکدرک بشقه سنی ده، اوکا قیاس ایتدکسزین طوغریدن طوغری به تسلیم اولنور.»

بن بورایه نقل ایتدیکم شو سوزلریکی کندی علیکه حجت قیله جغم: طلبه مک بریسی مکتبه کیروب تاریخ اوقومغه باشلادی؛ تاریخه اودرجه حریص ایدی که حتی برکون اوقدر حریص اوله دیهرک اوزاق طورمه سنی بیله سویلدم؛ چونکه تاریخ مطالعه ایتک شیعیلکه، سیدنا معاویه به بغض ایتکه مؤدی اولدیغنده قناعت واردی. فقط سنک تاریخ ایله احتیاج ایدوب اونو عادتاً فقه کی اعتبار ایتدیکنی کوردیکم دن اوطلبه می چاغروب تاریخده جل حسابیه ایله استدلال ایدرک اصابت ایدن کیمسه وارمی؟ دیه صوردم. دیدی که: اوت بعضیلری «الم. غلبت الروم» قول شریفندن ۵۸۳ ده مسلمانلرک بیت مقدسی فتح ایدم جکارینی استخراج ایتشلر و دیدکاری کی ده اولدی. بن بو وقعینی ایشتمک کی علیکه تاریخ ایله استدلال ایتکده خاطرمه کلدی. فقط بن امید ایدی سوردم که مؤرخلرک سوزیله کندی رأیم اوزرینه احتیاج اولنارده علیمه چیقار. بالاخره بونی علماء حنفیه دن بعضیلرینه سویلدم اوزات ده دیدی که: «بوروایت (بحر) ده مذکور و عبارده سی ده شودر.» مقلد جیندن برکاغد چیقاروب اوقودی که، خلاصه سی شودر: «شیخ واستاذ من ابو جعفر بن الزبیر ابی الحکم ابن برجانن نشونی حکامی ایدیوردی: ابن برجان «الم. غلبت الروم... سنین» قولدن اوزمان نصارینک ید استیلا سنده بولنان بیت مقدسی مسلمانلرک فتح ایدم. جکارینی، بو فتحک زمانی، کوتی استخراج ایتشدر. ابن برجان بیت مقدسک فتحی حقنده تعیین ایتدیکی زماندن اول وقات ایتش سده تعیین ایتش اولدینی زمانده مسلمانلر فتحه موفق اولمشلردر.» بناء علیه حساب جمله اعتماد و اونکله عمل ایتک تعین ایدیور.

محقق: — کوریورم که سن، یکدیگریمزک دعواسنی آنحق دایملر ایله قبول ایدم جکمز دایر یایدیغمز اتفاقی اونوتیورسک! برکتاده دعوانک ذکر اولنوبده اونو علمادن برینک تسلیم ایتمی برشی حقنده دلیل اوله بیایرمی؟ (ابو الحلم): استخراج ایتدیکی شیئه کلنجه: یوقاریده؛ بونک ایچون دلالة مضبوط بوجه معروف دکلدرد، دیمشدم که عینی ایله بورایه ده جوابدر. بناء علیه بنی تکراره مجبور قیلیم: اوت، علم صحیح انحق موجوداتک اثبات ایتدیکی شیدر، تاریخده انسانک علمندن حکایه اولنیور. فقط تاریخک بزه اثبات ایدم جکی شی وقایع جزئییه در؛ بزده عقلک بخش ایدم جکی قواعد عمومی

مقلد: — سویلش اولدیغک شیلرک بعضیلری کندی علیکه حجت اولیور، که اوده «حساب جملک اصلی اولان اجمد سریانی لغتدن آلمشدر» قولکدر. حالبوکه سریانی لغتی، ملائکه نک لغتی در. شو حالده قرآنده لغت ملائکه دن برشی بولنوبده امور غیبیه اوزرینه دلالت ایتمی، و بونی آکلامقده انبیا، اولیا کی ملائکه نک کلامنی آکلامقده کوچک چکمین خواص امته مخصوص اولمشده نه مانع واردر؟! مولانا قطب الغوث شیخ عبد العزیز دباغ (قدس الله سره) دن روایت اولنیور که: دیوان باطنی اهلی سریانی لغتدن بشقه سیله تکلم ایتملریم؛ چونکه بونک برحرفی، بالخاصه أوائل سورده بولسانلرک چوق معنایه دلالت ایتدیکی جهته غایت مختصر در. احتمال که بونی (الذهب الابریز) کتابنده کورمش سکدر!

محقق: — بن سریانی ایله ملائکه کی قصدا یتیمورم؛ انحق سریانیدن مقصدم تاریخده حال و شانلری معلوم اولان بر صنف انسانلردر؛ اونلر جمعه ایرته سنه اجمد، بازاره هوز، بازار ایرته سنه خطی، صالی به کلین، چهارشنبه کونه سغفص، پنجشنبه کونه قرشت، جمعه یه ده عروبه دیرلردی. سریان، بوکلاتی کندیلرجه معروف اولان حروف هجایی مشتمل اوله رق وضع ایتدی. عربلرده اونلردن آله رق لغت سریانی ده بولنوبده عربلرده اولان دیگر حروف هجادی مؤلف ایکی کله ده علاوه ایتدیلر که اونلرده (نخذ، ضظغ) در. بونلر روادف، یعنی لواحق نامی ویردیلر. بو حروف ایله یاییلان حسابک مراتبی ضبط ایتک خصوصنده سریانیلر موافقت ایتدکاری کی کندی لغتلرندن زیاده ایتدکاری حرفلرک هپسنی ماقبله یوزر عدد زیاده ایتکه اونلرک اوزرینه زیاده ایلدیلر. مثلاً (ث) ۵۰۰ (خ) ۶۰۰ الخ بو صورتله جمع و حساب ایتک حرف اخیر (غ) ک اونلرجه مراتب عددک نهایی اولان بیکه موافق کله سنه مساعد بولندی. بعض مورخلر عربلرده هفته نک کونلرخی سریانیلر کی تسمیه ایدیورلردی زعمنده بولمشلردر.

ملائکه به کلنجه: بونلر بنم اعتقادیه کوره بزدن نهان اولان عالم روحانیدرلر، بونلری مشهود من اولان عالم مادی به قیاس ایتک صحیح دکلدرد، یاخود اصولیونک دیدیکی قیاس مع الفارقدر. انسانلرک علمنک احاطه ایدم مدیکی، چالیشمه لر یله حقیقته واصل اوله مدقلری هرشی حقنده عالم الغیب اولان جناب حق قولدن بشقه سی مقبول دکلدرد حال بوکه ملائکه کرامک انسانلر ایله بزم کلا دیغمز طرزده مکالمه، و مخاطبه لرینه دایر بن نص قطعی بیلیمورم.

دیوان باطنی اهلندن ذکر ایتش اولدیغک شیئه کلنجه: اگر بکا موافقت ایدرسه ک شمدی اونو تدقیق ایله اوغراشمیه رق امت اسلامیه نک امراضی حقنده کی مفصل بحثه ترک ایدوب بوراده یالکیز شو قدر سویلکه اکتفا ایدم جکم: اونلردن ذکر ایتش اولدیغک شی او مسائل اوزرینه حجت قطعی، بینة شرعیه اوله ماز. اگر بکا مخالفت ایدیورسه ک سندن نص قطعی طلب ایدیورم.

بر ادا ايله تبليغ ايدن بوسوزلرله ، بر مکتب حقوق مأذونک اغزندن چيقان واستانبولک جوف ادراکنده انفلاق ايدن يوقاری کی ايكاتیلری ؛ شیمدی یان یانه کتیریور و آرقاداشمک - بيلم نه ایچین ، بوقسه بادی حجاب اولدوغندمی اویله یاپدی ؟ - طور کتمان پذیرنده کی ضعف معنایی ده حساب قاهره قطنمزدده « من الباب الى المحراب » مدھش حقیقت ک آرتق تماميله مظهر اکتناه اولدوغنه قناعت ایتک ایسته یورم .

* *

اوت بونده کیمسه نک شبهه سی قالدادی : بوملکت ، طویدن ، توفکنکدن ، هرشی دن اول عرفان ایستر . بزاوړوپانک سطوت علمیه سی قارشیسندده بویله پست پایه قالدقچه دنیانک قوای مادیسی الیزه تسلیم اولونسه ینه اونلرله بوی اولچوشمه یه جکیز ؛ بوغولوب قالا جغز . حد آله مملکتتمز ، بوحقیقتک پیشکاهنده اولسون اختلافه دوشمه دی ، براتفاق تام ایلله : « جاهلز ، اوکر نمکه احتیاجز وار . » دیدی . لکن بوندن ایلریسی ایچون بیکلرجه باشلی اذدر اختلاف بوینی اوزاندی : کیمی : « شونی اوکر نه لم . شویله اولالم » دیور . کیمی : « خایر ، او اوکر نه یله جک شی دکلدر ؛ زمانی کجی . نجات او بر طرفده در . » دعواسنی مدافعه ایدیور ، کیمی : « ایکی کزده ده اصابت یوق . قورتولمق ایسترسه کز بزم سوزمزی طوتوکز . » دییه حایقیریور و بوسلسله اختلافات تسلسل وادیلرینه طوغرو یووارلانیور ، نهایت بوزراع قیل وقال آمیز هیچ بر ثمره خلاف طوغورامیور ، عقامت مطلقه یه محکوم قالیور .

جسم وطنک مختلف جهتلرینه ، مختلف استقامتلرده صابانان بو دعوالر ، ایکی محصله قوایه ارجاع اولوناییلر : افراط و تفریط . بو ایکی قوت ، عینی درجه تأثیرده اولمق اوزره مختلف جهتلرده ، فقط عینی استقامتده مملکتک روح ترقیسی اوزره یینه مسلط اولمشدر ؛ مسلط اولمشدر دیورم ، چونکه مولود میخانیکسی بر عدم حرکتدن ، بر عطالتدن عبارتدر . بر آز دها آچیق سویلیه لم : بو ایکی قوتدن بری « دین » نامنه رفع لوا ایتمشدر . اگر مدافعه سنی در عهده ایتدیکی ماهیت مقدسه یی انی آکلامش اولسه یدی ، قارشیسندده کی مقاومت غلبه ایدم جک وعطالت ، حرکت منقلب اولاجقدی . بزده بو « فقدان ادراک » ، بو « افراط » ، « تعصب » ایلله افاده اولونویور .

ایکینجی قوت بوتون بوتون سرباز و مغددر : « تجدد » نامنه برنجی قوته معا کس بر وجهه تأثیر طوتمش کی دیور . فقط درجه زندگیسی ، اوت کندن فضله اولمادیغندن - برکت ویرسون - مولد حرکت اولمایور . بو حرکت ، اعتقاد مزجه برنجی دن آز ضررلی « منفی » اولمایاقددر . احوالده بزم نقطه نظر مزه کوره مثبت وسالم بر حرکت ، آنجق بوقوتلرک متوازی ، یک جهت اجرای تأثیر ایتمه . لرله تکیون ایدم بیله جکدر : نه زمان « دین » نامنه اجرای تأثیر ایدنلرله ، بر « عامل تجدد » اولارق ایشه صاریلانلر بر لرینه مونس

ایله اووقایعه حکم ویررز . (ابی الحکم) ک روایتک حتی تقدیده اونک حتی بزه قواعد عمومیه اثبات ایتز ، ینه او بولندی ایهام و غموضی محافظه ایدر ؛ بلکه اونی تصادفه حمل ایتک دها قریبدر . مقلد : - اولیادن کشف طریقیه ثابت اولانلره نه دیه جکسک ؟ « محقق جوابی کله جک هفته »

مسئله

نیچون بوتون سوقاقلریمز چیقماز اولمش ؟

تملی مکتب صیره لرینک دوش متینه قورولان آرقاداشلقلری ؛ سنه لک ساحه ریکستاننده جوشان سیل شئون اکثریتله آشیدیراماز . ناخن زمانه میدان اوقویان برمودت رصینه ایلله متلاصق الفوآد اولدوغمز بونوع آرقاداشلردن بریله کچلرده بولوشدق ؛ مداوله سی معتاد اولان « ناصل اولدی ، کچمش اولسون ، هله قورتولدی کز » کی سوزلر جوابلریله برابر برر قیغاجم کبی طوتوشوب سوندو کدن صوکرآ آرقاداشم ؛ یاواش یاواش صندالیه سنی ایلرلته رک باکا طوغرو یاقلاشدی ، باشی باشمه طوغرو اوزاندی ، آغزینی قولاغمه توجیه ایتدی و بر سر تودیع ایدنلرک طور کتومنی طاقه رق :

— عزیزم ، دیدی ، محاربه باشلار باشلاماز طانیدیغم ربولغار باکا دیدیکه : « افندی ، بو محاربه علم ایلله جهل آراسنده اولیور . غلبه نک هانکی طرفده اولاجغنی سز تقدیر ایدیکز . » آدامجغز طوغرو سویله مش . بولغارک اصابت حکمنی یک مدھش بر صورتده تصدیق ایدن حادثاتک حضور بلاغتده دییه جک برشی بولامادیغم ایچون درین بر شقیق وزفیرک لرزش خسرا نیله باشمی صاللام قالدیم !

بن ، بوحقیقتی دها بسیط ، دها ساده کو بر آغزندده دیکه مشدم : اسکوبده شهرک برکنارنده بولنان هلال احمر خسته خانه سنک اوکنده طور ویوردم . قومانوواده بوزغون ویره رک دونن عسکرلردن برنفر ؛ توفکنک رفاقت امینه سنه یاصلانه رق باشی اوکده خسته خانه نک یانندن کچرکن مستخدمیندن بمضلرینک قویودن صوچکدکلرینی کوردی ، یانمزه کلدی ، صو ایسته دی . « بو صو ، بولانیقدر ؛ ایچری دن ایی صو کتیرم . » دیمکه قالمادن قوغانی یاقلادی ؛ « بز چامورلو صوده ایچهرز ، چامورده ده یاتارز ، اولور زده ... هپسی بزم ایچون » یوللو برسرزنش صاووردقدن صوکره ایچمکه باشلادی . عطش انفعالی تسکین ایتدکدن صوکره بر آز سویلتمک ایسته دم ، « ناصل اولدی ، بونه حال ، بونه کلیدشدر ؟ » دییه رک دردینی ده شمه قوبولدم :

— اونلرده ، دیدی ، « فن » وار . نه یاپدی ، یاپدی طوپلریله بزنی قاووردی ؛ فن ؛ افندی ، فن . هرکون یکی برایش چیقارییورلر ؛ بزه کلنجه کویمزدده بوکون شویله بویله ، یاریم یامالاق ، چالیشیرز ؛ یارینه « الله کریم » دیر ، یاته قالیرز .

قونیه ولایتک « علائیه » حوالیسندده کی سویه اندیشه یی صاف